

Broj: UP/I-05-13-1-333/24
Mostar, 19.07.2024. godine

Nacrt

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (7) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i čl. 3., 19. i 23. Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu privrednog društva D.o.o. „G&G Energija“ Bihać, sa sjedištem u ulici Džemaludina Čauševića 1, Bihać u predmetu izdavanja Energetske dozvole za izgradnju energetskog objekta „Vjetroelektrana Derala“ od 12.07.2024. godine i dopune zahtjeva od 17.07.2024. godine, donosi:

R J E Š E N J E

1. Izdaje se ENERGETSKA DOZVOLA privrednom društvu D.o.o. „G&G Energija“ Bihać, za izgradnju vjetroelektrane „Vjetroelektrane Derala“, instalisane snage 52,8 MW (8x6,6 MW), odobrene snage priključenja 52,8 MW, planirane godišnje proizvodnje električne energije od 166.143,92 MWh, a koja se planira graditi na području općine Bosansko Grahovo i određuje joj se registarski broj: ED-00003-V-I-3/24.
2. Planirano vrijeme završetka izgradnje je 5 godina.
3. Energetska dozvola izdaje se na period od -----2024. do ----- 2029. godine.
4. Imalac ove Energetske dozvole upućuje se na pribavljanje odobrenja za građenje.
5. Imalac ove dozvole je dužan da se pridržava slijedećih uslova:
 - da poštuje važeće zakone i tehničke regulative i standarde o izgradnji elektroenergetskih postrojenja i elektrana, kao i važeće regulative za ovo područje,
 - da izgradi postrojenje u roku do ----- 2029. godine,
 - da u slučaju nemogućnosti završetka izgradnje postrojenja u predviđenom roku, iz opravdanog razloga, zatraži produženje ove dozvole,
 - da u slučaju nastalih promjena u vezi sa ispunjenjem kriterija za izdavanje energetske dozvole obavjesti Ministarstvo,
 - da primjenjuje savremene tehnologije i novu opremu u izgradnji i korištenju elektroenergetskog objekta „Vjetroelektrana Derala“,
 - da se strogo pridržava tehničkih uslova za priključenje na prenosnu mrežu,
 - da Ministarstvu, nakon završetka izgradnje, dostavi upotrebnu dozvolu objekta,
 - da nakon završetka izgradnje postrojenja i pribavljanja upotrebne dozvole, Regulatornoj komisiji za energiju u Federaciji Bosne i Hercegovine podnese zahtjev za korištenje objekata, odnosno zahtjev za izdavanje dozvole za rad,
 - da se strogo pridržava uslova isporuke električne energije u mrežu u skladu sa pribavljenim dozvolama i važećim propisima i ne na štetu drugih korisnika distributivne i prenosne mreže,
6. Ukoliko imalac Energetske dozvole ne postupa u skladu sa uslovima iz Energetske dozvole, ili ne ispunjava bilo koji zahtjev koji propisuju važeći zakonski propisi vezani za građenje, pristup mreži i zaštiti okoliša, Ministarstvo će pokrenuti postupak oduzimanja Energetske dozvole.

7. U skladu sa članom 23. stav (9) Pravilnika ovo rješenje će se objaviti na web stranici Ministarstva i stupa na snagu danom donošenja.

O b r a z l o ž e n j e

Privredno društvo D.o.o. „G&G Energija“ Bihać, se zahtjevom od 12.07.2024. godine i dopunom zahtjeva od 17.07.2024. godine, podnesenim u propisanoj formi i obrascu, obratilo ovom Ministarstvu za izdavanje Energetske dozvole za izgradnju vjetroelektrane u skladu sa članom 42. stav (7) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 14. Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uvidom u podneseni zahtjev ovo Ministarstvo je utvrdilo da isti nije potpun, shodno članu 17. Pravilnika.

Dana 17.07.2024. godine privredno društvo D.o.o. „G&G Energija“ Bihać je dostavilo ovjerene kopije Uslova za priključak na prenosnu mrežu br: 120/24 od 17.04.2024. godine izdati od Elektroprijenos a.d. Banja Luka i Urbanističku saglasnost, broj: UP1-03-19-2-1558/23 od 22.04.2024. godine izdatu od Federalnog ministarstva prostornog uređenja te je isti potpunio svoj zahtjev, shodno članu 17. Pravilnika.

Na osnovu cjelokupno priložene dokumentacije se može utvrditi da podnosilac zahtjeva ispunjava uslove, propisane članom 4. Pravilnika, koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključene na elektrenergetski sistem;
- lokaciju i upotrebu zemljišta;
- zaštitu okoliša i osiguranje trajne kontroje uticaja na okoliš;
- energijsku efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Uvidom u podnesenu dokumentaciju utvrđeno je da podnosilac zahtjeva pored ostalog ima i sljedeću dokumentaciju:

- Ugovor o koncesiji, broj:05-04-2-17-166/11 od 19.03.2013. godine, potpisan između Ministarstva privrede Hercegbosanske županije i D.o.o. „G&G Energija“ Bihać,
- Aneks ugovora o koncesiji, broj:05-04-2-17-166/11 od 21.05.2018. godine, potpisan između Ministarstva privrede Hercegbosanske županije i D.o.o. „G&G Energija“ Bihać,
- Rješenje o okolinskoj dozvoli, broj: UPI 05/2-02-19-5-91/20 F.M.od 01.12.2020. godine, izdato od Federalnog ministarstva okoliša i turizma,
- Odgovor Agencije za vodno područje rijeke Save, broj: 40-49-2/23 od 12.01.2024. godine da nisu potrebni vodni akti,
- Urbanističku saglasnost, broj: UP1-03-19-2-1558/23 od 22.04.2024. godine, izdatu od Federalnog ministarstva prostornog uređenja,
- Izjavu o prihvatanju uslova za priključak korisnika na prenosnu mrežu 110 kV, 220 kV i 400 kV, od 30.04.2024. godine.

Na osnovu člana 19. Pravilnika, Ministarstvo utvrđuje nacrt energetske dozvole i provodi aktivnosti o obavještanju podnosioca zahtjeva i javnosti o nacrtu energetske dozvole.

Postupajući po članu 20. Pravilnika, obavještenje za javnost o nacrtu energetske dozvole, broj: 05-13-1-24/24 od 19.07.2024. godine, za privredno društvo D.o.o. „G&G Energija“ Bihać, vjetroelektrane „Vjetroelektrane Derala“, objavljeno je na službenoj web stranici Ministarstva u kojem je dat rok 15 dana od dana objavljivanja na web stranici

Ministarstva. Do predviđenog roka se mogu davati primjedbe i komentari na nacrt energetske dozvole, te podnijeti zahtjev za sticanje statusa umješšača u postupku izdavanja Energetske dozvole.

Na osnovu navedenog, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifi federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

Pouka o pravnom lijeku

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

